



Bab

1



BAB 1

BIOGRAFI AL-ṬABARĪ

1.0 Pendahuluan

Al-Ṭabarī adalah seorang ulama yang terkenal pada zaman tābi'īn. Beliau merupakan seorang ahli Sejarah, ulama Tafsir, ahli Hadith dan memberi sumbangan yang begitu besar bukan sahaja dalam bidang Sejarah tetapi juga dalam pelbagai cabang disiplin ilmu yang lain.

Al-Ṭabarī (224 Hijrah-310 Hijrah) hidup pada zaman kekuasaan *khilāfah* 'Abbāsiyyah. Beliau dilahirkan pada awal pemerintahan Khalīfah al-Dhahābī dan meninggal dunia pada zaman pemerintahan Khalīfah al-Muqtadir Billah¹.

Beliau terkenal dengan pelbagai gelaran antaranya ialah *al-muarrīkh*, *al-imām*, *al-hāfiz*, dan *al-mufasssir*. Beliau seorang yang bijaksana dan berwibawa di antara ahli-ahli Hadith, ahli-ahli Feqah, ahli-ahli *Qirāah* dan orang yang berpotensi serta berusaha untuk memperkayakan sejarah dan asas-asasnya di samping bidang-bidang ilmu yang lain.

¹ Muḥammad al-Zuhaylī (1990), *Al-Imam Ṭabarī*, Damsyiq: Dār al-Qalam, h. 31

1.1 Nama dan gelaran

Di dalam melakukan kajian ini, didapati bahawa tidak banyak kitab atau buku-buku yang menceritakan tentang riwayat hidup al-Ṭabarī secara khusus, tidak ada sebuah buku biografi al-Ṭabarī yang sempurna dan lengkap seperti mana biografi para ulama lain biar pun umum mengetahui bahawa beliau adalah tokoh ulama yang termasyhur di dalam bidang Sejarah dan Tafsir. Walau bagaimana pun, masih terdapat beberapa buah kitab yang menyentuh peribadi beliau dan serba sedikit tentang latar belakang kehidupannya, meskipun tidak begitu menyeluruh.

Nama penuh beliau ialah Abī Ja'far Muḥammad bin Jarīr bin Yazīd bin Kathīr al-Ṭabarī². Sementara nama al-Ṭabarī di dalam kitab *Jami' al-Bayān 'an Takwil al-Qur'ān* dinyatakan sebagai Muḥammad bin Jarīr bin Yazīd bin Khālid al-Ṭabarī³. Di dalam kitab *al-Fihris*⁴ didapati bahawa Abū al-Faraj al-Ma'āfi bin Zakariā' al-Nahrāwānī seorang yang bermazhab al-Ṭabarī menyatakan nama al-Ṭabarī ialah Abū Ja'far Muḥammad bin Jarīr bin Yazīd bin Khālid al-Ṭabarī al-Āmulī. Sementara menurut pengarang kitab *al-Tafsīr wa al-Mufasssīrūn*, nama al-Ṭabarī ialah Abū Ja'far Muḥammad bin Jarīr bin Yazīd bin Kathīr bin Ghālib al-

² Al-Ṭabarī (1968), *Tārīkh al-Rusul wa al-Mulūk*. Muḥammad Abū al-Faḍl Ibrāhīm (tahkik.), c.2, j.1, Mesir : Dār al-Ma'ārif

³ Al-Ṭabarī, Muḥammad bin Jarīr (t.t), *Jami' al-Bayān 'an Takwil al-Qur'ān*, Dār al-Fikr, h. 4

⁴ Al-Nadīm, Muḥammad bin Ishāq (1994), *al-Fihris*, Lubnan: Dār el-Marefah Publishing & Distributing, Beirut, h. 289

Ṭabarī⁵. Menurut al-Dāwūdī di dalam kitabnya *Ṭabaqāt al-Mufasssīrīn* menyebutkan nama al-Ṭabarī ialah Muḥammad bin Jarīr bin Yazīd bin Kathīr al-Amulī al-Ṭabarī Abū Ja‘far⁶. Ibn Kathīr menyebutkan nama al-Ṭabarī ialah Muḥammad bin Jarīr bin Yazīd bin Kathīr bin Ghālib di dalam kitabnya *al-Bidāyah wa al-Nihāyah*⁷.

Didapati juga nama beliau ialah Muḥammad bin Yazīd bin Kathīr bin Ghālib Abū Ja‘far al-Ṭabarī di dalam kitab *A‘lām al-Muhaddithīn* karya Dr. Muḥammad Abū Syahbah⁸. Namun, dalam sesetengah kitab, beliau hanya dikenali sebagai Abū Ja‘far Muḥammad bin Jarīr al-Ṭabarī.

Ahli Sejarah telah bersepakat bahawa nama beliau dan bapa beliau akan tetapi mereka berselisih pendapat dengan nama datuk beliau. Ibn Jawzī dan Badr al-Dīn al-‘Aini menyebut bahawa nama datuk beliau ialah Kathīr bukannya Yazīd. Kebanyakan ahli Sejarah berpendapat bahawa nama datuk beliau ialah Kathīr bin Ghālib. Pendapat ini dipersetujui oleh al-Khatīb al-Baghdādī, Ya‘qūb al-Hamawī, Taj al-Dīn al-Subqī, Nawāwī, Dhahābī, Ibn Kathīr dan al-Qibtī dan

⁵ Al-Dhahābī, Muḥammad Ḥusayn (1995), *Al-Tafsīr wa al-Mufasssīrīn*, j.1, Kaherah: Maktabah Wahbah, h. 215

⁶ Al-Dāwūdī, Syams al-Dīn Muḥammad bin ‘Alī bin Aḥmad (1983), *Ṭabaqāt al-Mufasssīrīn*, Lubnan: Dār al-Kutub al-‘Ilmiyyah, Beirut, h. 110

⁷ Ibn Kathīr, Abū al-Fidā’ (t.t), *al-Bidāyah wa al-Nihāyah*, j. 11, Lubnan: Dār Ibn Kathīr, Beirut, h. 145. Lihat sama al-Khatīb al-Baghdādī, Abū Bakr Aḥmad bin ‘Alī (t.t), *Tārīkh al-Baghdādī*, Lubnan: Dār al-Kitāb al-‘Arabī, Beirut, h. 162

⁸ Muḥammad Abū Syahbah, Dr. (t.t), *A‘lām al-Muhaddithīn*, Mesir: Dār al-Kutub al-‘Arabī, h. 293

lain-lain lagi. Maka pendapat yang lebih tepat ialah pendapat yang pertama yang disepakati oleh ramai ulamā⁹.

Kunyah al-Ṭabarī iaitu Abū Ja'far disepakati oleh ahli-ahli Sejarah. Ja'far bermaksud pemilik¹⁰. Sebenarnya al-Ṭabarī tidak mempunyai anak yang bernama Ja'far kerana beliau tidak pernah berkahwin¹¹. Gelaran al-Ṭabarī pula dinisbahkan kepada Tabaristan sempena dengan tempat kelahiran beliau¹².

1.2 Kelahiran dan keturunan

Menurut satu pendapat menyatakan bahawa al-Ṭabarī lahir pada akhir tahun 224 Hijrah/838 M di bandar Amul¹³ iaitu ibu negeri jajahan Tabaristan yang terletak di dalam negara Iran¹⁴, di daerah pergunungan di sepanjang Pantai Selatan Kaspia di wilayah Persia¹⁵. Ada juga pendapat menyatakan bahawa beliau dilahirkan pada awal tahun 225 Hijrah/840 M¹⁶. Berdasarkan pendapat-pendapat ini, dapatlah diandaikan kemungkinan bahawa beliau lahir pada akhir tahun 224 Hijrah atau pada awal tahun 225 Hijrah. Ahli-ahli Sejarah bersepakat menyatakan bandar Amul, bandar kelahiran al-Ṭabarī¹⁷. Namun, di dalam kitab *Mu'jam al-*

⁹ Muḥammad al-Zuhaylī (1990), *op.cit.*, h. 27-28

¹⁰ Al-Nadīm (1994), *op.cit.*

¹¹ *Ibid.*, h. 28-29

¹² Effat al-Sharqawi, Dr (1986), , *Filsafat Kebudayaan Islam*, Bandung: Penerbit Pustaka, h. 269

¹³ Al-Ṭabarī (1968), *op.cit.*, j. 1, h. 6

¹⁴ 'Abd al-Karim 'Uthmān (1934), *Ma'ālim al-Thaqāfah al-Islamiyyah*, Lubnan: Muassasah al-Risālah, Beirut, h. 350

¹⁵ Nourouzzaman Shiddiqi (1986), *Tamaddun Muslim, Bunga Rampai Kebudayaan Muslim*, Jakarta: Terbitan Bulan Bintang, h. 42

¹⁶ Al-Ṭabarī (1968), *op.cit.*, j. 1, h. 6

¹⁷ Muḥammad al-Zuhaylī (1990), *op.cit.*, h. 30

Mualiffīn karangan Kahallah menyebutkan bahwa al-Ṭabarī dilahirkan pada akhir tahun 223 Hijrah atau awal 225 Hijrah¹⁸.

Tiada perselisihan pendapat mengenai keturunan (nasab) al-Ṭabarī yang menyatakan bahawa beliau berketurunan Tabaristan. Nasab kedua bagi al-Ṭabarī ialah al-Āmulī iaitu dinisbahkan kepada negeri Amul iaitu tempat kelahirannya. Nasab ketiga ialah al-Baghdādī iaitu nisbah kepada kota digelar dengan *al-Imam* Abū Ja'far al-Ṭabarī al-Āmulī al-Baghdādī dengan menggabungkan ketiga-tiga nasab yang telah dinyatakan sebelum ini¹⁹.

1.3 Perkahwinan

Al-Ṭabarī mengabdikan diri kepada penerokaan ilmu tanpa henti dari sejak kecil. Sekian lama usianya dihabiskan kepada tujuan keilmuan semata-mata. Namun, kerana kecintaan kepada ilmu yang teramat, beliau tidak berpeluang untuk mengecapi nikmat perkahwinan²⁰.

¹⁸ Muḥammad Redā Kahallah (t.t), *Mu'jam al-Mualiffīn*, j. 9, Maktabah al-Muthanna, h. 147

¹⁹ *Ibid.*, h. 28-29

²⁰ Abd Al-Mun'im al-Namru (1985), Dr. *'Ilm al-Tafsīr, Kaifa Nasyaa wa Tatawwara hatta Intaha ila 'Usurina al-Hādīr*, Lubnan: Dār al-Kutub al-Islamiyyah, Beirut, h. 107

1.4 Pendidikan

Al-Ṭabarī telah mula menghafaz al-Qurʾān dan menulis Hadīth ketika berada di Āmul. Menurut al-Syajārī daripada al-Ṭabarī bahawa al-Ṭabarī mula menghafaz al-Qurʾān ketika berusia 7 tahun²¹. Sementara semasa berusia sembilan tahun, beliau telah menguasai ilmu Hadīth²².

Kecintaan beliau terhadap ilmu telah mendorong beliau menuntut ilmu dalam usia yang begitu muda iaitu pada usia dua belas tahun (236 Hijrah)²³. Dikatakan pengembaraan ilmunya yang pertama adalah pada usianya ini. Ada juga pendapat menyatakan ketika beliau berusia 20 tahun. Beliau dikatakan menguasai pelbagai cabang ilmu termasuklah ilmu berkaitan dengan al-Qurʾān, bahasa, Nahu, syair-syair dan fiqh²⁴.

Beliau telah mendapat dorongan yang kuat daripada bapanya, Jarīr. Bapanya telah membuka laluan dan mempermudah al-Ṭabarī menyelusuri jalan-jalan ilmu pengetahuan. Kepintaran al-Ṭabarī telah dapat dikesan oleh bapanya sejak beliau masih kecil lagi. Oleh kerana itulah bapanya

²¹ Al-Ṭabarī (1968), *op.cit.*, j.1, h.6. Lihat sama al-Ṭabarī (1987), *Tārīkh al-Umam wa al-Mulūk*, j. 1, Lubnan: Dār al-Fikr, Beirut, h. 11

²² Mani' 'Abd al-Ḥalim Maḥmud, Dr (1978), *Manāhij al-Mufasssīrīn*, Kaherah: Dār al-Kitāb al-Misr, h.39

²³ Al-Dāwūdī (1983), *op.cit.*, h. 107

²⁴ Al-Nadīm (1994), *op.cit.*

menggalakkannya merantau ke negeri lain, setelah beliau berguru dengan guru-guru di daerahnya sendiri²⁵.

Al-Ṭabarī menyatakan bahawa bapa beliau pernah bermimpi melihat beliau berada di antara tangan Rasulullah S.A.W bersama-sama dengan sebuah karung yang penuh berisi batu. Sebelah tangan Rasulullah melemparkan karung itu manakala yang sebelah lagi memegang al-Ṭabarī²⁶.

Bapa beliau meminta pendapat penafsir mimpi tentang mimpi tersebut. Menurut penafsir mimpi, ia merupakan nasihat yang besar dalam agamanya dan memelihara syariatnya²⁷.

Rehlah ilmiah al-Ṭabarī bermula di Ray. Beliau telah belajar Feqah daripada Abī al-Muqatil di 'Irāq. Beliau menulis kitab *al-Mubtadā'* daripada Aḥmad bin Himād al-Dawlābī. Di samping itu, beliau mengambil *Maghāzī* daripada Ibn Ishāq dari Salmah bin al-Mufaḍal. Beliau belajar daripada Muḥammad bin Ḥumayd al-Razī dan merencanakannya²⁸.

²⁵ 'Abd al-Mun'im al-Namru (1985), *op.cit.*, h. 106

²⁶ Al-Ṭabarī (1968), *op.cit.*, j.1, h. 6

²⁷ *Ibid.*

²⁸ *Ibid.*, h. 7

Kemudian beliau meneruskan pengembaraannya ke Baghdad untuk menuntut ilmu daripada Imām Aḥmad bin Ḥanbal namun tidak sempat belajar kerana Imām Aḥmad meninggal dunia ketika beliau hampir sampai ke sana pada tahun 241 Hijrah²⁹.

Beliau pergi ke Kufah untuk mempelajari ilmu *Qirāah* daripada Sulayman bin Khillād al-Ṭalḥī. Beliau mempelajari ilmu Hādīth daripada Ḥinnād bin al-Sarī al-Rumī al-Kuffī, Ismā‘īl bin Mūsā al-Faḍarī, dan Abū Kurayb Muḥammad bin al-‘Alā’ al-Hamadhānī³⁰.

Beliau pergi ke Madinah untuk mempelajari ‘*Ulūm al-Qur’ān* daripada Aḥmad bin Yūsuf al-Taghlabī al-Muqri‘ī, ilmu *Fiqh al-Syafi‘ī* daripada al-Ḥasan bin Muḥammad al-Ṣabāh dan Abū Sa‘īd al-Istakhrī yang merupakan imam-imam dalam Mazhab Syafi‘ī. Seterusnya beliau meneruskan pengembaraannya ke Mesir pada tahun 253 Hijrah iaitu pada awal zaman pemerintahan Aḥmad bin Tulun dan menuju ke Fustah dan belajar daripada Yūnus bin ‘Abd al-‘Ala, al-Rabi’ bin Sulāymān, Ismā‘īl bin Yahyā al-Muznī dan lain-lain lagi³¹.

Beliau berpindah ke Basrah dan telah mempelajari ilmu Hadīth daripada beberapa orang guru seperti Abū Bakr Muḥammad bin Basyar al-Ma‘rūf di Bundar, Muḥammad bin ‘Abd al-‘Ala al-Sun‘anī dan Basyar bin Muadh al-‘Aqdī

²⁹ *Ibid.*

³⁰ *Ibid.*

³¹ *Ibid.*, h. 8.

dan lain-lainnya³². Termasuk juga, Muḥammad bin Ḥumayd al-Razī, ‘Ibād bin Ya‘kūb, ‘Abdullah bin Ismā‘īl al-Ḥabbārī, Ismā‘īl bin Mūsā, ‘Imrān bin Mūsā al-Qazaz³³.

Beliau mempelajari *al-Fiqh al-Mālik* daripada Yūnus bin ‘Abd al-‘A‘la, Buanyya ‘Abd al-Ḥakam Muḥammad, dan ‘Abd al-Raḥman serta lain-lain lagi. Beliau juga turut mempelajari Fiqh penduduk ‘Irāq daripada Abū Muqatil di Ray³⁴.

Beliau telah pergi ke Syam untuk mempelajari al-Qur’ān dengan meriwayatkannya daripada orang-orang Syam seperti al-‘Abbās bin al-Wālid iaitu seorang *qari* dari Beirut. Beliau kembali semula ke Mesir pada tahun 256 Hijrah dan belajar al-Qur’ān daripada Yūnus bin ‘Abd al-‘A‘la³⁵. Namun, beliau telah menjadikan Baghdad, ‘Irāq sebagai tempat pemukimannya³⁶.

1.5 Keperibadian dan keistimewaan

Al-Ṭabarī dikatakan mempunyai wajah yang kakak dan segar, seorang yang tinggi dan fasih dalam percakapan. Beliau juga memiliki iman yang mendalam dan berperwatakan seperti berikut : “Matanya hitam, mukanya kakak,

³² *Ibid.*

³³ *Ibid.* Lihat sama al-Nadīm (1994), *op.cit.*

³⁴ Al-Nadīm (1994), *op.cit.*

³⁵ Al-Ṭabarī (1968), *op.cit.*, j.1, h. 9 Lihat sama al-Dāwūdī (1983), *op.cit.*

³⁶ *Ibid.*

tubuhnya tinggi, berjanggut jarang, lidahnya fasih dan seorang yang sangat zuhud³⁷.

Sebagai seorang intelektual dan tokoh ulama terkemuka, kehebatannya diperkatakan oleh para ulama sezaman dengan beliau. Walaupun pandangan mereka berbeza dari pelbagai perspektif namun mereka tetap memperkatakan tentang keperibadian al-Ṭabarī.

i. Abū Muḥammad al-Farghānī

Beliau menyifatkan al-Ṭabarī sebagai seorang yang berani dan benar.

“Imam al-Ṭabarī (Ibn Jarīr) merupakan seorang yang tidak pernah takut dan gentar terhadap sebarang cercaan, celaan dan ugutan dalam menjalankan tanggungjawabnya kepada Allah”³⁸.

ii. Ibn Khuzaymah

Al-Ṭabarī seorang yang pakar dalam aspek penguasaannya terhadap apa sahaja bidang ilmu yang tinggi ditelusurinya. Menurut Ibn Khuzaymah :

³⁷ *Ibid*

³⁸ Al-Suyūṭī, Jalāl al-Dīn ‘Abd Rahmān (1976), *Ṭabaqāt al-Mufasssīrīn*, Kaherah: Maktabah Wahbah, h. 97

“Tiadalah aku ketahui di atas muka bumi ini seseorang yang lebih alim (lebih tahu) daripada Ibn Jarīr.”³⁹

Beliau juga mengatakan bahawa al-Ṭabarī merupakan seorang yang suka beribadah, zuhud, wara’, berpegang kepada kebenaran, mempunyai suara yang baik dalam pembacaan al-Qur’ān dan berpengetahuan tentang ilmu *Qirāah*. Al-Ṭabarī mempunyai sifat yang baik, dan seorang daripada *Kibār al-Ṣāliḥīn* serta seorang ahli Ḥadīth di Mesir pada zaman pemerintahan Aḥmad bin Tulun⁴⁰.

iii. Abū ‘Abbās bin Surayj

Beliau pernah menyebutkan mengenai kepakaran al-Ṭabarī :

“Muḥammad bin Jarīr adalah seorang yang pakar lagi tahu”.

Al-Ṭabarī telah membuktikan bahawa beliau adalah seorang yang berpengetahuan dalam menjalani kehidupannya sebagai muslim dan tokoh ulama terkenal pada zamannya. Ini dapat dilihat berdasarkan sikap beliau sebelum menyusun kitab *Tafsīr al-Ṭabarī*, al-Ṭabarī dikatakan beristikharah terlebih dahulu memohon bantuan daripada Allah.

³⁹ *Ibid*

⁴⁰ Ibn Kathīr (t.t), *op.cit.*, h. 146

*"Aku telah beristikharah kepada Allah dalam melakukan proses mengarang kitab Tafsir ini. Aku memohon pertolonganNya atas apa yang telah aku niatkan selama tiga tahun. Dan, Allah sesungguhnya telah membantu aku"*⁴¹.

iv. Al-Khatib Abū Bakr berkata ;

*"Beliau (al-Ṭabarī) adalah seorang tokoh ulama yang kata-katanya dijadikan hukum, pendapat serta pandangannya dijadikan hujah dan diterima pakai. Ini semua adalah kerana pengetahuannya dan kelebihanannya"*⁴².

Kesungguhan al-Ṭabarī melaksanakan sesuatu urusan terutama yang berkaitan dengan proses menuntut ilmu dan penulisan kitab menjadikan beliau disegani oleh rakan-rakannya.

v. 'Alī bin 'Ubaydillah bin 'Abd Al-Ghaffār al-Lughawī

Beliau menyatakan bahawa ;

*"Bahawa al-Ṭabarī telah menetap selama empat puluh tahun dengan menulis setiap hari empat puluh helaian"*⁴³. Suatu ketika al-Ṭabarī pernah bertanya kepada sahabatnya, "Adakah kamu pernah melakukan sesuatu yang berkaitan dengan Tafsir al-Qur'ān?" Jawab mereka, "Berapa banyak yang perlu dilakukan (untuk menghasilkan kitab tafsir)?" Jawab beliau, "Tiga puluh ribu helaian!". Para sahabatnya berkata, "Semua ini adalah sukar dan barangkali kami akan mati sebelum sempat menyiapkannya". Dengan izin Allah al-Ṭabarī telah dapat menyiapkan tafsir tersebut dengan meringkaskannya kepada tiga ribu helaian⁴⁴.

⁴¹ Mani' 'Abd al-Halim Mahmud (1978), *op.cit.*, h. 41

⁴² *Ibid.*

⁴³ Al-Dāwūdī (1983), *op.cit.*

⁴⁴ Mani' 'Abd al-Halim Mahmud (1978), *op.cit.*

Kesungguhan beliau dapat dilihat melalui Kitāb Tafsirnya yang tiada tolok banding. Kitāb Tafsirnya terkandung himpunan *al-Athār, mentahqiqkan al-Akhhbār, lughah* (bahasa), hukum-hukum *syara'*, di samping mengutarakan beberapa pandangan beliau yang *rajih* lagi jelas Kesemua ini, melalui proses yang amat sukar dan memerlukan pengorbanan masa, tenaga dan fikiran.

Beliau seorang yang tegas dengan prinsip hidup, mementingkan maruah diri dan amanah. Beliau tidak mudah terpengaruh dengan habuan dunia dan pulangan material atas segala sumbangannya. Beliau tegas dengan prinsipnya, sekalipun berhadapan dengan pihak berkuasa.

vi. Kitab *Ṭabaqāt al-Mufasssīrīn* menyebutkan bahawa ;

"Diceritakan bahawa Khalīfah al-Muktafi Billah (295H) mahu membentuk satu kesepakatan pendapat-pendapat para ulama bagi mengelakkan perselisihan berlaku. Lalu, baginda cuba mengumpulkan para ulama zaman tersebut. Namun, sebarang usaha baginda tidak berjaya tanpa persetujuan Ibn Jarīr terlebih dahulu. Akhirnya, Ibn Jarīr bersetuju hadir dan beliau telah membuat sebuah kitab mengenainya. Oleh kerana itulah, beliau diberikan hadiah yang banyak dan persalinan diraja, tetapi Ibn Jarīr enggan menerima⁴⁵.

Keengganan ini menggambarkan kepada kita kehebatan peribadi beliau yang tidak mudah terpengaruh. Pengarang kitab *Mizān al-'I'tidāl fī Naqd al-Rijāl* menyatakan bahawa al-Ṭabarī merupakan seorang yang *thiqah*, benar, terpelihara

⁴⁵ Al-Suyūṭī (1976), *op.cit.*

dari melakukan kesilapan serta tidak mengajak manusia ke arah kerosakan batin dan nafsu⁴⁶.

Inilah yang dikatakan keistimewaan yang ada dalam diri al-Ṭabarī, dari aspek sahsiah dan akhlak. Ilmu dan keperibadian mulia yang dimiliki, menjadi sanjungan dan pujian para ulama sezaman dan terkemudian.

Al-Ṭabarī memiliki keistimewaan di dalam bidang pengajian al-Qurʿān. Kelebihan beliau sebagai seorang yang *hāfiẓ* telah digunakan untuk mendalami al-Qurʿān⁴⁷. Justeru, beliau mempunyai *qirāah*nya yang tersendiri dan ia diterima pakai oleh murid-muridnya ketika itu. Hasilnya, beliau telah menyusun sebuah kitab yang berkaitan dengan ilmu *Qirāah* iaitu *al-Jāmi*⁴⁸.

Beliau merupakan seorang yang *faqih* sehingga mencapai status mujtahid mutlak. Beliau seorang ulama yang boleh mengeluarkan ijtihad sendiri tanpa perlu merujuk kepada pendapat dan pandangan ulama lain berkenaan sesuatu isu. Malah, beliau dikatakan mempunyai pengetahuan yang luas berkenaan *ikhtilaf al-Madhāhib* (perselisihan mazhab-mazhab). Ekoran itulah, beliau telah menyusun sebuah kitab yang diberi nama Kitab *Ikhtilāf al-Madhāhib*⁴⁹.

⁴⁶ Al-Dhahābī, Abū ʿAbdullah Muḥammad bin Aḥmad bin ʿUṭhmān (t.t), *Mizān al-ʿIṭidāl fī Naqd al-Rijāl*, j. 4, Dār al-Fikr al-ʿArabī, h. 419

⁴⁷ Al-Ṭabarī, Abū Jaʿfar Muḥammad bin Jarīr (1968), *Jamiʿ al-Bayan ʿan Taʿwil ay al-Qurʿān*, j. 1, Mesir: Syarikat Mustafa Al-Bābī Al-Halabi wa Aulāduhu, h. 2

⁴⁸ Al-Dāwūdī (1983), *op.cit.*, h. 109

⁴⁹ Al-Ṭabarī (1968), *op.cit.*

Beliau juga dikatakan amat sukar untuk mengikut sesuatu mazhab bahkan beliau turut mempunyai mazhabnya yang tersendiri⁵⁰. Walau bagaimanapun, sebelum itu beliau bermazhab Syafi'i⁵¹.

Mazhab beliau dikenali sebagai Mazhab *al-Jarīriyyah*. Penubuhan mazhab ini adalah berdasarkan pengamatan yang teliti dan mendalam oleh beliau setelah beliau menerima sokongan daripada majoriti masyarakat Islam ketika itu⁵².

Walaupun begitu, mazhab ini tidak kekal lama. Ternyata ia tidak lagi wujud pada hari ini, sebabnya tidaklah diketahui. Cuma dari andaian yang dibuat, ketiadaan mazhab tersebut hingga kini mungkin berkait rapat dengan faktor zaman. Mungkin juga, al-Ṭabarī ingin mengelakkan daripada sebarang perpecahan di kalangan umat Islam.

Al-Ṭabarī juga merupakan seorang tokoh Hadīth (*muhaddith*). Beliau banyak menghafal hadīth-hadīth Rasūlullah S.A.W. Beliau menguasai beberapa disiplin ilmu Hadīth seperti *matan Hadīth*, *sanad Hadīth* dari aspek sahih dan daif, *rijāl al-Hadīth* dan sebagainya⁵³.

⁵⁰ *Ibid.*

⁵¹ Al-Suyūṭī (1976), *op.cit.*

⁵² Al-Dhahābī (t.t), *op.cit.*

⁵³ Al-Ṭabarī (1968), *op.cit.*

vii. Pengarang Kitab *al-Tafsīr wa al-Mufasssirūn* pernah menyatakan bahawa;

"Ibn Jarīr adalah seorang tokoh terkemuka pada zamannya. Kata-katanya dijadikan hukum dan pendapatnya sering dijadikan panduan dan rujukan. Pengiktirafan dan penghormatan masyarakat kepada beliau amat terserlah kerana beliau telah berjaya menghimpunkan segala disiplin ilmu yang belum pernah dilakukan oleh orang sezaman dengan beliau"⁵⁴.

Hal ini tidak ternafi, relevan dengan sikapnya yang cintakan ilmu tanpa batasan, menguasai dan mahir dalam pelbagai bidang yang diterokai. Dalam soal-soal agama, beliau juga dijadikan rujukan, bersesuaian dengan kedudukannya sebagai mujtahid⁵⁵.

Keistimewaan al-Ṭabarī termasuklah kepakarannya dalam bidang bahasa Arab khususnya yang berkaitan dengan perbahasan mengenai tatabahasa ulamā' Kufah dan tatabahasa ulamā' Basrah yang masing-masing mempunyai pendapat dan teori sendiri⁵⁶.

⁵⁴ Al-Dhahābī (t.t), *op.cit.*

⁵⁵ Al-Zereklī, Khayr al-Dīn (1976), *Al-A'lam Qamūs Tarajum li'Asyharī al-Rijāl wa al-Nisa' min al-'Arab wa al-Musta'rabīn wa al-Mustasyriqīn*, j. 6, Lubnan: Dār al-Qalam li' al-Malayīn, Beirut, h. 69

⁵⁶ Al-Ṭabarī (1968), *op.cit.*

Seterusnya, al-Ṭabarī juga mengetahui selok-belok syair yang dikarang oleh penyair pada ketika itu dan beliau menguasai elemen-elemen syair seperti rima-rima dan bait-bait syair dengan begitu baik.

Beliau mempunyai pengetahuan luas mengenai *aqwāl al-Ṣahābah* dan *aqwāl al-Ṭābi'in* dalam penafsiran al-Qur'ān sama ada dari aspek sejarah periwayatan al-Qur'ān atau dari aspek manhaj yang digunakan oleh para ṭābi'in hingga sampai kepada para sahabat.

Kehebatan beliau mengarang kitab Sejarah (*Tārīkh al-Ṭabarī*) terserlah. Penulisan dan periwayatan sejarahnya begitu dipercayai sehingga beliau dikagumi oleh semua. Sumber sejarahnya telah diperakukan oleh ramai ulamā' sebagai *al-Ma'thūr* dan sahih.

Beliau juga menguasai ilmu-ilmu lain seperti ilmu Mantiq, Matematik, Algebra, Perubatan, dan sebahagian ilmu Falsafah silam. Lantaran itulah beliau dianggap sebagai tokoh ulama terkemuka yang menonjol pada kurun ketiga Hijrah.

viii. Abū Bakr al-Khātīb yang dipetik daripada al-Qādī Ibn Kāmil pernah menyatakan bahawa ;

"Empat orang yang aku amat suka jika mereka terus kekal (hidup) iaitu Abū Ja'far al-Ṭabarī, al-Barbarī, Abū 'Abdullah bin Abī Khaythamah dan al-

*Mu'ammari. Sesungguhnya tidak pernah aku lihat orang yang lebih faham dan lebih terpelihara ilmu daripada mereka semua*⁵⁷”.

1.6 Sumbangan dan peranan dalam perkembangan ilmu Islam

Sumbangan al-Ṭabarī yang terpenting adalah melalui dua buah kitab iaitu kitab *Tārīkh al-Umam wa al-Mulūk* juga dikenali *Tārīkh al-Ṭabarī* dan *Tafsīr Jāmi' al-Bayān 'an Ta'wil ay al-Qur'ān* yang dikenali sebagai *Tafsīr al-Ṭabarī*. Kedua-dua kitab ini dianggap muktabar dalam kategori masing-masing.

Kitab *Tārīkh al-Umam wa al-Muluk* atau dikenali dengan nama *Tārīkh al-Ṭabarī* dianggap sebagai sumber rujukan Sejarah Islam yang paling awal dan terdahulu⁵⁸. Sementara kitab Tafsir beliau diiktiraf sebagai kitab terulung dalam kategori *tafsīr bi' al-Ma'thūr*⁵⁹.

Beliau dianggap sebagai tokoh kepada Sejarah Islam dan juga sebagai pelopor kepada ilmu Tafsir. Pandangan ini mengambil kira nilai yang terkandung di dalam kedua-dua kitab tersebut yang mempunyai aspek keilmuan yang tinggi⁶⁰.

⁵⁷ Al-Dāwūdī (1983), *op.cit.*, h. 113

⁵⁸ Muḥammad Fathi 'Uthmān, Dr. (1992), *Al-Madkhal ilā al-Tārīkh al-Islām*, Lubnan : Dār al-Nafā'is, h. 162

⁵⁹ *Tafsīr bi' al-Ma'thūr* ialah sepotong ayat al-Quran ditafsirkan dengan ayat yang lain atau ditafsirkan dengan al-Sunnah dan perkataan Sahabat yang bertujuan untuk menjelaskan kandungan al-Quran dengan lebih tepat dan terperinci. Lihat Jawiah Dakir (1996), *Kewibawaan al-Tafsir dan al-Hadis*, Selangor : Penerbit Universiti Kebangsaan Malaysia, h. 4

⁶⁰ Al-Dhahābī (tt), *op.cit.*, h. 215

Sumbangan beliau melalui kedua-dua kitab karangannya itu masih terpelihara hingga kini dan dijadikan rujukan oleh orang-orang selepasnya. Walaupun demikian, beliau banyak menghasilkan karya-karya selain daripada kedua buah kitab ini untuk dijadikan rujukan dan pedoman oleh umat Islam. Ianya akan dibincangkan selepas ini.

1.7 Guru-guru

Beliau berguru dengan ramai guru yang mempunyai latar belakang ilmu yang berbeza. Antara guru-guru beliau termasuklah Ahmad bin Mani', Abū Kurayb, Hannad bin al-Sara dan Yūnus bin 'Abd al-'Ala⁶¹. Sementara guru beliau dalam bidang al-Qur'ān ialah al-'Abbās bin al-Wālid yang dipelajarinya di Beirut, dan Yūnus bin 'Abd al-'Ala di Mesir⁶².

Dalam pengajian ilmu Ḥadith, ternyata beliau mempunyai guru yang agak ramai dan kesemua mereka ini terdiri daripada orang-orang Iraq, Syam, dan Mesir. Berikut adalah senarai guru-guru beliau dalam bidang ini⁶³ :

- i. Muḥammad bin 'Abd al-Mālik bin Abū al-Syawārib al-'Umawī
- ii. Ishāq Abū Isrā'īl
- iii. Ismā'īl bin Mūsā al-Fazārī

⁶¹ Al-Suyūṭī (1976), *op.cit.*, h. 96

⁶² Al-Dāwūdī (1983), *op.cit.*

⁶³ *Ibid.*

- iv. Ḥannad bin al-Sarrī al-Tamīmī
- v. Abū Hammam al-Wālid bin Syuja' al-Sakunī
- vi. Abū Kurayb Muḥammad bin al-'Ala al-Hamadhānī
- vii. Abū Sa'ad 'Abdullah bin Sa'īd al-Asyji
- viii. Aḥmad bin Manī' al-Baghāwī
- ix. Ya'kūb bin Ibrāhīm al-Dawraqī
- x. 'Amrū bin 'Alī al-Fallas
- xi. Muḥammad bin Bisyar Bundar
- xii. Abū Musā Muḥammad bin al-Mathna al-Zamān
- xiii. 'Abd al-'Ala bin Wāsil
- xiv. Sulaymān bin 'Abd al-Jabbar
- xv. Al-Ḥasan bin Qazā'ah
- xvi. Al-Zubayr bin Bikar

1.8 Murid-murid

Al-Ṭabarī juga mempunyai murid yang tidak terhitung jumlahnya. Antara murid-murid beliau yang agak menonjol ialah :

- i. Abū Syu'aib 'Abdullah bin al-Ḥasan bin Aḥmad bin Abū Syu'ayb al-Harranī
- ii. Abū 'Amrū Muḥammad bin Aḥmad bin Ḥamdān al-Naysaburī
- iii. Abū al-Ḥasan 'Alī bin 'Alan al-Ḥāfiz al-Harranī

- iv. Abū al-Tibi⁷ ‘Abd al-Ghaffār bin ‘Ubaydillah bin al-Sirrī al-Ḥusaybī al-Muqri’ al-Wasitī
- v. Abū al-Qāssim Sulaymān bin Aḥmad bin Ayyūb al-Ṭabari⁷

1.9 Karya-karya

Terdapat beberapa buah kitab yang pernah dihasilkan oleh al-Ṭabari⁷ selain dari dua buah kitab beliau yang terkenal iaitu *Tārīkh al-Rusul wa al-Mulūk* dan *Tafsīr al-Ṭabari⁷*. Kitab *Tārīkh al-Rusul wa al-Mulūk* cetakan Dār al-Ma‘ārif, Mesir menukilkan bahawa 26 buah kitab pernah dihasilkan oleh al-Ṭabari⁷ ⁶⁴. Sementara *Tārīkh al-Umam wa al-Mulūk* cetakan Dār al-Kutub al-‘Ilmiyyah, Lubnan pada tahun 1997⁶⁵ ialah sebanyak 25 buah. Antara kitab-kitab tersebut ialah :

- i. *Adāb al-Manāsik*

Ibn ‘Asākir pernah meriwayatkan bahawa kitab ini adalah sebuah kitab yang membicarakan tentang fardu haji yang berkaitan dengan keperluan seseorang yang hendak melaksanakan ibadat haji. Bermula dari saat keluarnya seseorang, hari yang perlu dipilih untuk memulakan perjalanannya ke Baitullah, apa yang perlu diucapkannya dan dido‘akan ketika menaiki tunggangan(kenderaan) atau berangkat dan juga apabila

⁶⁴ Al-Ṭabari (1967), *Tārīkh al-Rusul wa al-Mulūk*, j. 1. Mesir : Dār al-Ma ‘ārif, h. 15

⁶⁵ Al-Ṭabari (1997), *Tārīkh al-Umam wa al-Mulūk*, j.1. Lubnan: Dār al-Kutub al-‘Ilmiyyah, h. 5-7

berada di sana, tempat-tempat ibadat dan masjid tertentu yang menjadi pilihan hinggalah selesai menunaikan ibadat haji tersebut⁶⁶.

ii. *Adāb al-Nufūs*

Ibn 'Asākir meriwayatkan bahawa kitab ini merupakan sebuah kitab psikologi yang menyentuh mengenai peranan setiap anggota badan yang mewakili insan itu sendiri dan perkara-perkara yang perlu diberikan perhatian oleh setiap insan seperti hati, lidah, pendengaran, penglihatan dan sebagainya. Kesemuanya ini diperkuatkan lagi dengan hadith-hadith Rasūlullah S.A.W, para sahabat, tābi'in dan apa sahaja pendapat mereka atau cerita yang berkaitan, namun kitab ini juga tidak dapat disiapkan⁶⁷.

iii. *Ikhtilāf 'Ulamā' al-Ansār fī Ahkāmī Syarā'ī al-Islām*

Kitab ini membahaskan tentang pendapat-pendapat *fuqahā'* seperti Malik, al-Auzā'ī, al-Thawrī, Syafī'ī, Abū Hanīfah, Abū Yūsuf, Muḥammad bin al-Ḥasan serta Ibrāhīm bin Khalid⁶⁸.

iv. *Aḥādīth Ghadir Khum*⁶⁹

v. *Basū' al-Qawl fī Ahkām Syarā'ī al-Islām*⁷⁰

⁶⁶ Al-Ṭabarī (1968), *op.cit.*, j.1, h.15

⁶⁷ *Ibid.*, h.15

⁶⁸ *Ibid.*

⁶⁹ *Ibid.*

⁷⁰ *Ibid.*

Setiap bab di dalam kitab ini turut menyetuh tentang *ikhtilāf al-Ṣahābah*, al-Tabi'in dan lain-lain dari aspek jalan periwayatan yang sampai kepada mereka, cara mereka mengeluarkan hujah, hujah-hujah terpilih dan hujah yang dipilih oleh beliau sendiri yang beliau letakkan pada akhir setiap bab di dalam kitab tersebut⁷¹. Daripada kitab ini juga, terangkum di dalamnya kitab *al-Ṣalat*, *Adāb al-Ḥukkām*, *al-Muḥādir wa al-Sajjilāt* dan kitab *Tartib al-'Ulamā'*.

- vi. *Al-Baṣīr fī Ma'ālim al-Dīn*⁷²
- vii. *Tārīkh al-Rusul wa al-Mulūk*
- viii. *Tahdhīb al-Athār*⁷³
- ix. *Al-Jami' al-Bayān 'an Takwīl ay al-Qur'ān*
- x. *Al-Jāmi' fī al-Qirā'āt*⁷⁴
- xi. *Ḥadīth al-Ṭayr*
- xii. *Al-Khaṣīf fī al-Fiqh*
- xiii. *Dhayl al-Mudhayl*
- xiv. *Al-Radd 'ala dhī al-Asfār*⁷⁵
- xv. *Al-Radd 'alā Qawsīyah*⁷⁶

⁷¹ *Ibid.*

⁷² *Ibid.*, h. 16

⁷³ *Ibid.*

⁷⁴ *Ibid.*, h. 17

⁷⁵ *Ibid.*, h. 18

⁷⁶ *Ibid.*

- xvi. *Al-Radd 'ala Ibn 'Abd al-Ḥukm 'ala Mālik*⁷⁷
- xvii. *Sorīh al-Sunnah*
- xviii. *Turūq al-Ḥadīth*
- xix. *'Ibārah al-Ru'yā*⁷⁸
- xx. *Kitāb al-'Adād wa al-Tanzīl*⁷⁹
- xxi. *Kitāb al-Faḍā'il*⁸⁰
- xxii. *Laṭīf al-Qawl fī Ahkām Syarā'i al-Islām*⁸¹
- xxiii. *Mukhtaṣar al-Farā'id*⁸²
- xxiv. *Kitāb al-Mujarrad*⁸³
- xxv. *Kitāb al-Mustarsyid*
- xxvi. *Kitāb al-Wakaf*⁸⁴

Terdapat dua buah kitab hasil karya al-Ṭabarī yang dinyatakan oleh pencetak Dār al-Kutub al-'Ilmiyyah yang tidak terdapat di dalam cetakan Dār al-Ma'ārif, Mesir iaitu :

- i. *Al-Basīṭ fī Ma'ālim al-Dīn*

⁷⁷ *Ibid.*

⁷⁸ *Ibid.*, h. 19

⁷⁹ *Ibid.*

⁸⁰ *Ibid.*

⁸¹ *Ibid.*

⁸² *Ibid.*

⁸³ *Ibid.*

⁸⁴ *Ibid.*, h. 20

Di dalam kitab ini terdapat sebanyak seribu lima ratus helaian, rentetan daripada kemunculan kitab *al-Basīṭ*.

ii. *Tahdhīb al-Athār wa Tafsīl al-Thābit min al-Akhbār*

Menurut Khātib Abū Bakr :

"Aku belum pernah melihat kitab seperti ini, cuma aku juga ingin sebut sayangnya kitab ini tidak dapat disempurnakan oleh al-Ṭabarī"⁸⁵.

Isi kandungan kitab ini lebih menjurus kepada *al-Athār*. Ia dimulai dengan apa yang diriwayatkan oleh Sayyidinā Abū Bakr al-Ṣiddīq melalui sanad yang sahih dan juga turut membicarakan hadith-hadith yang dinukilkan daripada beliau. Seterusnya, turut disentuh di dalamnya mengenai *ṭurūq* (cara atau jalan yang sampai kepada Hadith). Terdapat juga di dalamnya Fiqh, Sunnah, *Ikhtilāf al-'Ulamā'*, hujah-hujah ulama, maksud-maksud yang dikehendaki, salah faham orang-orang *mulhid*, cara menolak hujah *mulhid* dan sebagainya lagi. Namun begitu beliau tidak sempat menghabiskan karangan tersebut⁸⁶.

iii. *Ṣaḥīḥ al-Sunnah*

⁸⁵ Al-Dāwūdī (1983), *op.cit.*

⁸⁶ Al-Ṭabarī (1967), *op.cit.*, j.1, h.17

Antara kandungan kitab ini ialah pegangan mazhab al-Ṭabarī dan apa yang diikutinya melalui agama Allah. Menurut al-Ṭabarī, semua yang dilalui berdasarkan jalan yang pernah direntasi oleh para sahabat, tābi'in dan juga para fuqahā⁸⁷.

Penulis mendapati terdapat hanya 8 buah kitab yang ditulis oleh al-Ṭabarī yang disenaraikan oleh pencetak kitab *Tārīkhnya*, Dār al-Fikr cetakan pada tahun 1987⁸⁸. Antaranya :

- i. *Adāb Manāsik*
- ii. *Adāb al-Nufūs*
- iii. *Aḥādīth Ghadir Khum wa Faḍayl 'Alī bin Abī Ṭālib r.a*
- iv. *Ikhtilāf 'Ulamā' al-Amsār (fī al-Fiqh)*
- v. *Risālah al-Basīṭ fī Ma'ālim al-Dīn*
- vi. *Tahdhīb al-Athār wa Tafsiḥ al-Thābit min al-Akhhbār*
- vii. *Jāmi' al-Bayān 'an Takwīl Ay al-Qur'ān*
- viii. *Al-Jāmi' fī Qirā'āt*

Hakikatnya, al-Ṭabarī banyak menghasilkan karya-karya untuk rujukan umat Islam. Namun, kebanyakan kitab karangan beliau tidak sempat sampai ke tangan kita kini.

⁸⁷ *Ibid.*

⁸⁸ Al-Ṭabarī (1987), *op.cit.*, h. 16-17

Walaupun bagaimanapun, sumbangan besar beliau adalah melalui *Tārikh al-Ṭabarī* dan *Tafsīr al-Ṭabarī* tidak dapat dinafikan kerana kedua-duanya merupakan rujukan yang terpenting dalam bidang masing-masing. Jika para ulama sezaman dengannya memperakukan hal ini, kita tidak mempunyai sebarang alasan untuk menafikannya.

1.10 Kematian

Setelah mengabdikan kecintaan terhadap ilmu demi membangunkan Islam dan umatnya, beliau dikatakan meninggal dunia pada hari Sabtu yang hening bersamaan bulan Syawal tahun 310 Hijrah (923M)⁸⁹. Beliau juga dikatakan meninggal dunia pada waktu 'Isyak, hari Ahad bersamaan 28 Syawal tahun 310 Hijrah dengan kebanyakan rambut dan janggutnya masih hitam⁹⁰ pada usia 85 tahun atau setengah pendapat mengatakan 60 tahun⁹¹. Sesungguhnya kematian beliau merupakan satu kehilangan besar kepada Islam dan umatnya. Jenazahnya telah disemadikan keesokan harinya, Ahad yang suram di rumahnya di kota Baghdad dengan diiringi oleh puluhan ribu umat manusia ketika itu bagi memberikan penghormatan terakhir kepadanya⁹². Sesungguhnya kematian beliau merupakan satu kehilangan besar kepada Islam dan umatnya. Abū Sa'īd ibn al-'Arabi berkata mengenai al-Ṭabarī di dalam syair-syairnya :

⁸⁹ Al-Dāwūdī (1983), *op.cit*

⁹⁰ Ibn Kathīr (t.t), *op.cit*, h. 146

⁹¹ *Ibid.*

⁹² Al-Suyūṭī (1976), *op.cit*.

"Sesuatu yang ngeri telah berlaku serta kejadian yang besar telah menimpa, ini semua amat sukar untuk bersabar oleh orang-orang yang sabar. Pembawa berita buruk telah membawa berita ketandusan ilmu apabila masa pembawa berita kematian Muḥammad Ibn Jarīr telah tiba".

Abū Durayd telah berkata di dalam qasidahnya :

"Sesungguhnya maut tidaklah memusnahkan beliau sebagai seorang lelaki tetapi beliau telah memusnahkan segala ilmu agama yang teguh. Sesiapa yang hidup pada zamannya boleh menimba dari ilmu beliau tetapi sekarang keadaan telah menjadi keruh. Tidak ! Kerana masa yang telah berjalan telah pun menjadikan ilmu itu bercahaya serta menentukan ke arah ketaqwaan. Abū Ja'afar telah pergi dan bersahabatkan ilmu dan sesungguhnya beliau sendiri (sebagai sahabat) tidak kurang keagungan dari ilmu yang telah beliau jadikan teman pemergian pula. Seluruh bumi Allah ingin dijadikan kubur untuknya untuk menyimpan jasadnya yang seperti pewangi yang paling tinggi mutunya (atar)⁹³.

1.11 Kesimpulan

Kesungguhan dan kehebatan nilai ilmu al-Ṭabarī tidak dapat ditandingi oleh para cendekiawan masa kini. Komitmen beliau yang jitu serta niat ikhlas dalam proses menuntut ilmu telah meletakkannya sebagai tokoh ilmuan ulung dalam bidangnya yang tersendiri.

⁹³ Ali Yusuf Ali (1989), *Silsilah Ulama Tafsir*. Sohair Abdel Moneim Sery, Datin (terj.), Jakarta: Penerbitan Pustaka Antara, h. 30